



# Pelajar UiTM Julea Qiestyna catat markah kedua tertinggi dunia

Oleh [Ilah Hafiz Aziz](#) - Mei 3, 2023 @ 4:41pm  
[illahhafiz.abdulaziz@bh.com.my](mailto:illahhafiz.abdulaziz@bh.com.my)



KUALA LUMPUR: Penuntut Fakulti Perakaunan Universiti Teknologi Mara (UiTM) Perak, Julea Qiestyna Abu Zar melakar sejarah apabila memperoleh markah tertinggi di Malaysia dan kedua tertinggi di dunia bagi peperiksaan Recording Financial Transactions (FA1), sesi Mac lalu.

Berita itu dikongsi Berita itu dikongsi dalam laman Facebook rasmi UiTM Perak dan sehingga kini mendapat 12,000 tanda suka dan lebih daripada 2,800 perkongsian serta lebih 2,800 komen.

Fakulti Perakaunan UiTM Cawangan Perak berkata, Julea Qiestyna menerima anugerah 'Paper FA1 Winner' daripada 'Association of Chartered Certified Accountants' (ACCA) pada 20 April lalu.

Sementara itu, Pengurus Jawatankuasa Pendidikan, Pengajian Tinggi, Belia dan Sukan Perak, Khairudin Abu Hanipah turut mengucapkan tahniah dan penghargaan kepada Julea Qiestyna atas kejayaannya.

"Sekalung tahniah buat saudari Julea Qiestyna, pelajar ACCA FIA Fakulti Perakaunan UiTM Perak dan seluruh warga UiTM cawangan Perak," katanya.

Kejayaannya turut meraih pujian daripada orang ramai termasuk pelajar yang berbangga dengan kemampuannya menjadi salah seorang pelajar terbaik dunia.

"Alhamdulillah.. Hebat anak Melayu pelajar UiTM.. Semoga menjadi insan yang cemerlang dunia dan akhirat.. Aamiinn," kata Baba Hadil Baba Zain.

"Tahniah, moga terus cemerlang untuk masa hadapan dan dapat memajukan negara dengan ilmu yang telah dipelajari," kata Sirajulfikri Ishak.

"Alhamdulillah, ...tahniah atas kejayaan cemerlang. Semoga cemerlang di dunia dan akhirat," Mashita Juahir.

"Moga kepandaian dan kecerdikan yang Allah kurniakan dapat memberi kebaikan dan manfaat pada semua org. Tahniah!" Roezlina Rozman.